

Sarajevo,

Broj:

24.12.2025

73-04-4-44777

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), član 24. stav 1. Pravilnika o javnim nabavkama Kliničkog centra Univerziteta u Sarajevu br.65-04-2-4654 od 01.02.2023. godine na prijedlog Komisije za javnu nabavku Izvještaj br. 73-33-4-43813-3 od 18.12.2025. godine, Generalni direktor donosi:

ODLUKU

o izboru najpovoljnijeg ponuđača za
„Usluge održavanja licenci za potrebe KCUS-a“

I

Prihvata se prijedlog Komisije, po Izvještaju br. 73-33-4-43813-3 od 18.12.2025. godine, nakon provedenog otvorenog postupka javne nabavke objavljenog na portalu e-nabavke dana 24.11.2025. godine, pod brojem obavještenja 893-1-2-497-3-1021/25.godne i **ugovor dodjeljuje najpovoljnijem ponuđaču**:

Rebus d.o.o. Sarajevo (nosiocu Konzorcija Rebus d.o.o. Sarajevo i Mibo Komunikacije d.o.o. Sarajevo
za „Usluge održavanja licenci za potrebe KCUS-a“

Ukupna vrijednost nabavke: 130.000,00 KM bez PDV-a + PDV 22.100,00 KM = 152.100,00 KM sa PDV-om

- Cijena je nepromjenjiva za cijeli ugovoreni period u trajanju od **12 (dvanaest) mjeseci** do okončanja ugovorenih obaveza i izražena u KM;
- Plaćanje ugovorenih obaveza ovog ugovora će se vršiti uz odgodu u roku od 60 dana od dana isporuke i ispostavljanja fakture;
- Pružalac usluga se obavezuje da će usluge izvršiti po zaprimljenoj narudžbenici/ma Ugovornog organa, te da će licence imati podršku proizvođača u periodu od 12 (dvanaest) mjeseci od dana instaliranja iste. Ugovorni organ zadržava diskreciono pravo u vezi dinamike naručivanja. Rok za izvođenja usluga iznosi 15 (petnaest) dana od dana prijema narudžbenice.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

OBRAZLOŽENJE

U skladu sa Odlukom KCUS-a broj: br. 73-11-3-40285 od 24.11.2025. godine, pokrenut je postupak javne nabavke za „**Usluge održavanja licenci za potrebe KCUS-a**“ putem otvorenog postupka. Procijenjena vrijednost nabavke je 130.000,00 KM bez PDV-a. Predviđeno je zaključivanje ugovora, u trajanju od 12 (dvanaest) mjeseci. Nabavka je planirana Planom javnih nabavki za 2025. god. pod kategorijom „Usluge, redni broj 98 (Odluka o usvajanju Plana javnih nabavki Kliničkog centra Univerziteta u Sarajevu za 2025 godinu, broj 65-04-2-3674 od 29.01.2025. godine).

Uslovi plaćanja predviđeni za postupak nabavke su u roku 60 dana od dana izvršenih obaveza i ispostavljanja fakture.

Prema tenderskoj dokumentaciji predmet nabavke je pružanje „Usluge održavanja licenci za potrebe KCUS-a“, a kriterij vrednovanja ponuda je najniža cijena. Na osnovu obavještenja objavljenog na portalu e-nabavke pod brojem 893-1-2-497-3-1021/25 od 24.11.2025.godine, tendersku dokumentaciju za postupak javne nabavke preuzeo je 21 (dvadeset i jedan) potencijalni ponuđač i to: EKAPIJA DOO, TENDERI DOO, HERTRONIC

D.O.O., BBS EUROPE, INSTRUMENTS, MIBO KOMUNIKACIJE D.O.O., "TEHNOTIM" D.O.O. BANJA LUKA, LEIN FUSION TECHNOLOGIES D.O.O., ELEVATEBITS D.O.O, REBUS D.O.O., UNILAB D.O.O. SARAJEVO, FIXIT D.O.O., VKB GROUP D.O.O. BANJA LUKA, LOGOSOFT D.O.O. SARAJEVO, INFOARTS D.O.O., S CONSALTING D.O.O MOSTAR, SIEMENS MEDICINA D.O.O., DIONIČARSKO DRUŠTVO BH TELECOM SARAJEVO - DIREKCIJA SARAJEVO, AGENCIJA STUDIO387, GEOINOVA-INFORMATIČKI INŽENJERING D.O.O. i PRINTEX a

Do krajnjeg roka za dostavljanje ponuda 18.12.2025.godine do 09:30 sati na Protokol KCUS-a blagovremeno je dostavljena 1 (jedna) ponuda što je evidentirano i Zapisnikom o zaprimanju ponuda 73-33-4-43813 od 18.12.2025.godine:i to:

Red. broj	Naziv ponuđača	Ponuda broj i datum	KCUS broj, datum i vrijeme prispjeća ponude	Zbir jediničnih cijena bez PDV-a
1.	Konzorcij – grupa ponuđača Rebus d.o.o. Sarajevo i Mibo Komunikacije d.o.o. Sarajevo Nosilac grupe - Rebus d.o.o. Sarajevo	207/2025 - od 18.12.2025.godine	10-11-3-43790 od 18.12.2025.godine u 09:10	130.000,00


Komisija imenovana Odlukom broj: 01-04-4-42352 od 08.12.2025. godine, je izvršila detaljnu analizu i ocjenu ponuda i Zapisnikom o pregledu i ocjeni ponuda br. 73-33-4-43813- 2 od 18.12.2025. godine, konstatovala da je ponuda dostavljena ispred Konzorcija – grupe ponuđača Rebus d.o.o. Sarajevo i Mibo Komunikacije d.o.o. Sarajevo u kojoj su imenovali kao **Nosioca grupe - Rebus d.o.o. Sarajevo, u daljem tekstu vodiće se kao Rebus d.o.o. Sarajevo**, prihvatljiva i uzima se u dalje razmatranje.

E-AUKCIJA

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, (Službeni glasnik BiH br. 80/23) član 4. Stav 2) u kojem je regulisano kako se e-aukcija ne može provesti u slučaju prijema jedne prihvatljive ponude, Komisija predlaže da se za „**Usluge održavanja licenci za potrebe KCUS-a**“ postupak okonča u skladu sa članom 69. 1) a) ZJN (Sl.glasnik BiH br. 39/14, 59/22 i 50/24).

Obzirom da je zadovoljena transparentnost i da je cijena, prihvatljive ponude u okviru osiguranih sredstava za „Usluge održavanja licenci za potrebe KCUS-a“, Komisija je Izvještajem br. 73-33-4-43813-3 od 18.12.2025. godine i Zapisnikom o pregledu i ocjeni ponuda br. 73-33-4-43813-3 od 18.12.2025. godine, dala prijedlog, da se donese odluka o izboru najpovoljnijeg ponuđača i ugovor dodijeli ponuđaču **Rebus d.o.o. Sarajevo (nosiocu Konzorcija Rebus d.o.o. Sarajevo i Mibo Komunikacije d.o.o. Sarajevo**

Prijedlog Komisije je prihvaćen i donosi se odluka kao u dispozitivu.



GENERALNI DIREKTOR
Prim.doc.dr.sci.med.Alen Pilav

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor - Služba za javne nabavke
- a/a KCUS

Alen Pilav